



Bersama **FIRKHAN**
sembangict@yahoo.com

Masalah iPhone perlahan

BAGAIMANA untuk memulih telefon iPhone yang perlahan capaiannya?
- **CHIK, Putrajaya.**

KENAPA telefon iPhone anda lambat untuk bertindak balas? Cuba untuk membuka beberapa aplikasi dan lihat sama ada banyak kelewatan dalam membukanya. Sama seperti komputer biasa, kadang-kadang sedikit penyelenggaraan boleh membantu mempercepatkan sistem pengoperasian atau OS.

Berikut adalah beberapa panduan yang boleh digunakan untuk menyelesaikan masalah tersebut.

1 Bagi sesetengah aplikasi, cuba berulang kali untuk membuka dan menutupnya. Sekiranya masih berlaku kelambatan capaian, cuba kaedah lain.

2 Kadang kala menutup semua aplikasi yang ada dalam telefon iPhone dapat mengosongkan penggunaan sumber pengkomputeran. Bagi menutup mana - mana aplikasi sedang digunakan, tergantung atau larian di belakang, dwitap pada butang *Home* untuk paparan senarai aplikasi yang berfungsi. Seterusnya, tekan dan tahan salah satu ikon aplikasi selama lebih kurang dua saat sehingga terdapat paparan tanda tolak berwarna merah di sebelah kiri. Tekan tanda tolak itu untuk tutup aplikasi tersebut.

3 Pengurangan kekerapan masa semakan e-mel oleh sistem iOS. Pergi ke menu *SETTINGS > MAIL, CONTACTS, CALENDARS > FETCH NEW DATA*.

4 Pergi ke menu *Settings > Safari* dalam telefon iPhone. Seterusnya cari konfigurasi *Clear History & Clear Cookies And Data* dalamnya.

Dengan mengosongkan kandungan History, ia akan menutup semua laman sesawang yang sedang dilayari dan yang telah dibuka. Sila simpan apa-apa kerja yang belum selesai atau penanda buku laman web yang hendak disimpan sebelum klik pada butang *Clear History*.

Fungsi *Cookies and Data* dapat membantu mempercepatkan membuka aplikasi atau melayari laman web tetapi ia juga boleh melambatkan sistem dengan menyimpan fail sementara dalam ruangan *cache*. Secara idealnya, pengosongan ini boleh dilakukan secara mingguan sebagai salah satu cara penyelenggaraan telefon iPhone.

5 Buat buka pemulaan semula telefon iPhone secara fizikal. Tekan dan tahan secara bersama butang *Lock* dan *Home Screen* sehingga telefon tutup dan buka semula.